

大明會典

大明會典卷之八十二

禮部四十

郊祀二

分祀上

嘉靖九年更定分祀儀
是年既分建四郊遂號

祖陵山曰基運。

皇陵山曰翔聖。

孝陵鍾山曰神烈。

顯陵山曰純德并

天壽山俱從祀

方澤居嶽鎮之次仍俱祀於

地祇壇。十一年定。

朝日壇以甲丙戊庚壬間歲一親祭。

夕月壇以丑辰未戌三歲一親祭。非親祭之歲。太常寺具奏遣官行禮。

朝日以文大臣。

夕月以武大臣。其

園丘諸儀亦多所更定。如更上

皇天上帝泰號

皇穹宇請神儀皆附列焉。又定看牲分獻之制。凡看牲。舊以前月之朔。

大駕親往。自後文武大臣日輪一員。次早復命。至是令冬夏至及祈穀俱止。祭前五日親往。自後遣大臣輪視如常。凡分獻舊用文武大臣及近侍官一十四員。今

園丘方澤各用四員分獻。俱太常先期題請。欽命。而法司官例不遣。又定大祀。如遣官不行。飲福禮。太常具福胙奏進。其傳

制後。

各廟焚香。則嘉靖八年罷。

園丘

一前期十日太常寺題請

視牲。次請

命大臣三員看牲。四員分獻

一前期五日。錦衣衛備隨朝駕。

上詣犧牲所視牲。其前一。日。

上常服告於

廟。內贊奏就位。

上就拜位。內贊導

上至。

太祖香案前。奏上香。上訖。導至

列聖香案前。俱奏上香上訖。奏復位。奏跪。奏讀告辭。
其辭曰。

孝玄孫嗣皇帝御名明日恭詣

南郊視大祀牲犧。謹詣

祖宗列聖帝后神位前恭預告

知。讀訖。奏四拜。奏禮畢。及還詣

廟。參拜如前儀。致詞曰。

孝玄孫嗣皇帝御名恭視

大祀牲犧禮畢。恭詣

祖宗列聖帝后神位前謹用

參拜。參畢。

回宮。是日。

命大臣輪視如常儀

一前期四日

上御奉天殿。太常寺奏祭祀進銅人。如常儀。本寺博士捧告請

太祖祝版於

文華殿候

上親填御名訖。捧出

一前期三日

上具祭服。以脯醢酒果詣

太廟請

太祖配

帝。是日

上詣

太廟寢請

主。至

太廟安訖。典儀唱執事官各司其事。內贊導

上至拜位。奏就位。典儀唱迎神。內贊導

上至香案前。奏跪。搢圭。奏上香。奏出圭。奏復位。奏兩

拜。典儀唱行獻禮。內贊導。

上至

御案前。奏搢圭。奏獻爵。奏出圭。奏詣讀祝位。奏跪贊讀祝。讀祝。官跪讀祝。曰。

維嘉靖 年歲次 月 朔 日

孝玄孫嗣皇帝御名敢昭告于

皇祖太祖高皇帝。曰。茲以今月 日冬至。祇祀
上帝于

園丘。謹請

皇祖配

帝俯

神。伏惟

鑒知。謹告。讀訖。奏俯伏興平身。奏復位。太常卿跪
奏禮畢。請

還宮。內贊奏兩拜。典儀唱讀祝官捧祝詣燎位。奏
禮畢。

上請

主還寢訖。易服。

御華蓋殿。太常寺卿同光祿寺卿
面奏省牲訖。

上御奉天殿百官具朝服聽受

誓戒傳

制儀見儀制司

一前期二日太常卿同光祿卿奏省牲如常儀

牛九。北羊三。豕三。鹿一。兔六。是日錦衣衛具

神輿香亭太常官具玉帛匣及香奩各設于

奉天殿次日

上至奉天殿親填祝版。版以青楮。亦書之。置玉帛于匣太常

卿捧安輿內

上三上香行一拜三叩頭禮畢錦衣衛官校昇至

天壇太常卿奉安于

神庫

一前期一日免朝。錦衣衛備法駕。設

板輿于

奉天門下正中。

上吉服告于

廟。如告視牲之儀。告辭曰。

孝玄孫嗣皇帝御名出。相於郊。祇行

大報禮。謹詣

祖宗列聖帝后神位前恭預告

知告畢。

上出乘輿詣

南郊由

西天門入至

昭亨門外降輿禮部太常官導

上由左門入至內壇太常卿導

上至

圜丘恭視

壇位次至

神庫視籩豆至

神廚視牲畢仍由左門出陞輿至

齋宮分獻陪祀官叩頭如常儀

一陳設

上帝南向

犢一

蒼玉一

郊祀制帛十二

俱青色

登一

簠簋各二

籩十二

豆十二

蒼玉爵三

酒尊三

青漆圓龍篚一

祝案一

配帝西向

犢一

奉先制帛一

白色

登一

簋各二 籩十二 豆十二 蒼玉爵三

酒尊三 雲龍篚一

從四壇 俱在壇之二成

大明 在東西向

饋一 登一 禮神制帛一 赤色

簋各二 籩十 豆十 酒盞二十

青兠爵三 酒尊三 篚一

夜明 在西北向

陳設同 禮神制帛一 白色

星辰 在東西向北上。曰五星。曰二十八宿。曰周天

犢一

羊一

豕一

豕一

鉶二

實以和羹

簋各二

籩十

豆十

酒盞三十

帛十

青色一。赤色一。黃色一。白色六。黑色一。

青莞爵三

酒尊三

篚一

雲雨風雷

在西東向北上

陳設同

帛四

青色一。白色一。黃色一。黑色一。

皇穹宇請

神位前期一日太常寺設香案於丹墀正中。將事之

夕。三更一點。禮部太常寺堂上官恭詣香案前。
尚書上香。率各官行一拜三叩頭禮。畢。太常寺
官九員分詣東西

配殿各請

從位神牌出龕。先雷師。次風伯。次雨師。次雲師。次
周天星辰。次二十八宿。次五星。次夜明。次大明。
捧至丹墀。東西向立。太常寺官一員詣殿中請
太祖主出龕。太常寺少卿一員恭捧西向立。太常寺
官二員請

上帝神版出龕。太常寺卿恭捧南向立。禮部侍郎二

員導引出殿先

上帝次

太祖次大明次夜明次五星次二十八宿次周天星
辰次雲師次兩師次風伯次雷師由

園丘北門入轉至午陛陸壇先

上帝次

太祖次

從位各依原序先後奉安於

神座候

上至大次尚書率各官致詞復

會叩頭出。祭畢。太常官如前捧請。禮部侍郎導引入殿。以次納于龕中。奉安訖。各官仍行一拜三叩頭禮出。

一正祭。是日三鼓。

上自齋宮乘輿。至外壇。

神路之西。降輿。導引官導

上至

神路東大次。上香官同導引官捧神位官復

命訖退。百官排班於神路之東西以俟

上具祭服出。導引官導

上由左極星門入。內贊對引官導。

上行至內壇。典儀唱樂舞生就位。執事官各司其事。

上至御拜位。內贊奏就位。

上就位。典儀唱燔柴。唱迎。

帝神。樂作。內贊奏陞壇。導。

上至。

上帝金爐前。奏跪。奏搯圭。司寺官捧香跪進於。

上左。內贊奏上香。

上三上香訖。奏出圭。導至。

太祖金鑪前。儀同奏復位。

上復位。樂止。內贊奏四拜。傳贊百典儀唱奠王帛。樂

作。內贊奏詣

神御前導

上至

神御前。奏措圭。捧王帛。官以王帛跪進於

上右。

上受王帛。內贊奏獻王帛。

上奠訖。奏出圭。導至

太祖前。奏措圭。奏獻帛。奏出圭。奏復位。

上復位。樂止。典儀唱進俎。樂作。齋郎昇俎安訖。內贊

奏詣

神御前導

上至

神御前奏搢圭。奏進俎。奏出圭。導至

太祖前。儀同奏復位。

上復位。樂止。典儀唱行初獻禮。樂作。內贊奏詣
神御前導

上至

神御前奏搢圭。捧爵官以爵跪進於

上右。

上受爵。內贊奏獻爵。

上獻訖。奏出圭。奏詣讀祝位。導。

上至讀祝位。奏跪。

傳贊乘官皆跪

樂暫止。內贊贊讀祝。讀祝。

官跪讀祝畢。樂復作。奏俯伏興平身。

傳贊百官同

讀。

祝官跪進祝版。

上捧至。

御案篚內安訖。

今讀祝官自安

內贊導至。

太祖前。奏措圭。捧爵。官以爵跪進於

上右。

上受爵。奏獻爵。

上獻訖奏出圭奏復位。

上復位樂止典儀唱行亞獻禮樂作。

儀同初獻惟不讀祝

奏復

位樂止典儀唱行終獻禮樂作。

儀同亞獻

奏復位樂

止太常卿進立於壇之二成東向唱賜福胙內

贊奏詣飲福位導

上至飲福位光祿卿捧福酒跪進於

上左內贊奏跪奏搯圭奏飲福酒。

上飲訖光祿官捧福胙跪進於

上左內贊奏受胙。

上受訖奏出圭俯伏興平身奏復位。

上復位。奏四拜。傳贊百官同典儀唱撤饌。樂作。執事官撤

饌訖。樂止。典儀唱送。

帝神樂作。內贊奏四拜。傳贊百官同樂止。典儀唱讀祝官

捧祝進帛官捧帛。掌祭官捧饌。各恭詣

泰壇。

上退立於拜位之東。典儀唱望燎。樂作。內贊奏詣望

燎位。內贊對引官導。

上至望燎位。燎半。內贊奏神畢。樂上。如遇風雪。有司

設黃壇。小次於

圜丘下。

上恭就小次對越行禮其升降上香奠獻俱以太常

執事官代內贊對引官導

上至大次易服禮部太常官奉

神位安於

皇穹宇。

上還齋宮少憩如還百官具朝服於

承天門外橋南立迎

駕。

上入詣

廟參拜如視牲還之儀致辭曰

官典卷之三
十一
孝玄孫嗣皇帝御名

園丘大報禮成恭詣

祖宗列聖帝后神位前謹用

參拜參畢百官隨至

奉天殿行慶成禮

一分獻官儀注

上行初獻禮讀祝訖奏俯伏興平身贊引引分獻官

由東西陸詣

各神位香案前贊跪贊搢笏贊上香贊獻帛贊獻

爵贊出笏贊復位亞終獻儀同唯不至與儀唱

望燎各分詣燎壚前燎半贊禮畢

一祝文

維嘉靖 年歲次 月朔 日

嗣天子臣御名敢昭奏於

皇天上帝。曰。時維冬至。六氣資始。敬遵典禮。謹率臣僚。恭以玉帛犧齊。粢盛庶品。備此禋燎。祇祀於上帝。奉

太祖開天道肇紀立極大聖至神仁文義武俊德
成功高皇帝配

帝侑

神尚

享

一樂章

迎

帝神

中和之曲

仰惟

玄造兮於皇

昊穹。時當肇陽兮大禮欽崇。臣忝蒲柳兮螻蟻之衷。

伏承

眷命兮職統羣工。深懷愚昧兮恐負

洪德爰遵奠典兮，勉竭微忠，遂瞻

天闕兮。

寶輦臨壇，臣當稽首兮，祇迓

恩隆，百辟陪列兮，舞拜於前，萬神翊衛兮，而西以東。

臣俯伏迎兮，敬瞻

帝御，願乘

歆鑒兮，拜

德曷窮

奠玉帛，肅和之曲

龍興既降兮，奉禮先爰有東帛兮，暨瑤瑄。臣謹上獻

兮進

帝前仰祈

聽納兮荷

蒼乾

進俎

疑和之曲

饋饗珍饌兮薦

上玄庖人列鼎兮致精虔。臣盍祇獻兮馨醴牲。願垂
歆享兮民福淵。

初獻

壽和之曲

禮嚴初獻兮奉觴。臣將上進兮

聖皇

聖皇垂享兮穆穆。臣拜首兮何以忘。

亞獻

豫和之曲

禮觴再舉兮薦玉漿。

帝顏歆悅兮民福昂。民生有賴兮感

上蒼。臣惟鞠拜兮荷

恩長。

終獻

熙和之曲

三獻兮禮告成。一念微衷兮露悃。臣情景張樂

舞兮聲鏗鏘。仰瞻

聖容兮俯錫恩泓

撤饌 雍和之曲

祀禮竣兮精意禋。三獻備兮誠已申。敬撤弗遲
兮肅恭寅。恐多弗備兮惟賴

洪仁

送

帝神 清和之曲

禋事訖終兮首辟維張。

帝垂歆鑒兮沐

澤汪洋。

龍車冉冉兮

寶駕旋雲靈風鼓舞兮瑞露清涼。

洪恩浩蕩兮無以為酬。巍陳菲薦兮已感

齋嘗香氣騰芳兮上徹

帝座仰瞻

聖造兮賜福羣方。臣同率土兮載歡載感。祇迴

寶輦兮鳳嘯龍翔。誠惶誠恐兮仰懇彌切願

福生民兮永錫亨昌

望燎 時和之曲

龍車寶輦兮昇帝鄉。御饌菲帛兮奉燎方。環佩鏗鏘

兮羅壇壝炬焰特舉兮氣輝煌生民蒙福兮

聖澤霑臣荷

眷祐兮拜謝

恩光

萬曆三年親祀

園丘儀

正祭前六日早

上常服以親詣

南郊視牲預告於

太廟前五日錦衣衛備隨朝駕如常儀質明

皇常服從。呈極殿。太常寺官奏請。

聖駕視牲。百官具吉服朝參。鳴鞭訖先趨出。

午門外東西序立候送。

上由大明門正陽門西天門舊路至犧牲所南門迤

西。

上降輦。禮部尚書侍郎太常卿少卿導。

上至所內。幄次。禮部官跪奏請視牲。仍同太常寺官

導。

上至各牲房前。太常卿跪奏。祖大祀牲。逐一視畢。仍

導。

上至幄次內

上少憩出禮部太常寺官仍導

上陞輦駕還百官俱於

承天門外序立候迎。

上仍詣

太廟參謁前四日

上御皇極殿太常寺奏祭祀前三日質明

上常服乘輿詣

太廟門西降輿至幄次內具祭服告詣

太祖祀

神行一獻禮畢。出陞次內。易皮弁服。回御中極殿。太常寺光祿寺官奏省牲畢。御皇極殿。傳

制誓戒百官。前二日早。

上常服。以親詣

南郊大祀。預告于

太廟。是日午後。太常寺官捧蒼玉帛匣香盒。尚神輿。進于

皇極殿內。司禮監官捧帛。同安設于

御案之北。前一日質明。

上從文華殿出。由皇極殿左門入。至

御案前立。太常卿捧祝版。由中門進于

御案上。

上填御名訖。太常卿捧安輿中。司禮監官進帛于

上。裝匣內。并蒼王安訖。太常卿捧安輿中。太常卿隨

捧香盒于香亭右跪。

上三上香。行一拜三叩頭禮畢。轉于東西向立。錦衣

衛官校入擡輿亭。由中門出。太常卿隨詣

天壇神庫奉安。

上由殿中門出。乘輿詣

南郊至

昭亨門西禮部尚書侍郎太常少卿等官行叩頭禮畢分兩傍候

上降輿尚書等官導

上由

昭亨左門入至內壇左門太常卿跪迎同導

上至午陛尚書等官俱止太常卿導

上至

園丘恭視

壇位尚書等官俱先詣東陛前伺候

上視

壇位畢。太常卿導

上由東陛下。尚書等官同導

上至神庫視籩豆。至神廚視牲。俱太常卿導入。逐一

奏畢。禮部太常寺官導

上仍由

昭亨左門出。陛輿至齋宮。分獻陪祀官朝參。傳

旨賜早飯。各官叩頭謝

恩。至午。各官候

旨朝參。仍傳

旨賜午飯。謝。

恩如前儀。是日午後太常寺陳設如常儀。至一更時分。禮部尚書等官詣

皇穹宇。尚書上香請

神。侍郎二員導引。太常寺官以次捧

正位

配位神版。

從位神牌詣壇奉安訖。候報時。

上常服乘輿出至外壇

神路之西降輿導駕官導

上至

神路東大次。禮部同太常官復命畢。

上具祭服出。由內壝左極星門入。行

大祀禮如常儀畢。

上至大次易常服。至齋宮少憩。駕還。仍詣

太廟參謁畢。具衮冕服御皇極殿。行慶成禮。

嘉靖十七年更上

皇天上帝泰號儀

一前期六日以酒果脯醑告

諸神於

園丘壇下用帛。

上具常服。分獻陪祀言吉服嚴辦。

上至壇所。內贊奏就位迎神。上香。分獻官各上香。行兩拜。奠獻如常儀。典儀唱宣告文。分獻陪祀官跪。宣文官立宣告文。曰。

大明嗣天子御名謹文移告于

大明之神。

夜明之神。

五星列宿周天星辰之神。

雲雨風雷之神。

周天列職之神。

五嶽五山之神。

五鎮五山之神。

基運翔聖神烈天壽純德五山之神。

四海之神。

四瀆之神。

際地列職祇靈。

天下諸神。

天下諸祇。

戊戌太歲之神。

十月神將直日功曹之神。

郊壇司土之神。曰朕祗於來月朔旦躬率臣民上
尊

皇天上帝泰號仰

高玄九重預告於

諸神衆祇煩為朕運爾神化。昭爾靈顯。通朕微衷
於

上帝祈

賜允鑒之慈。

享朕欽薦之

號。為此文告。

神宜悉知。謹告。宣訖。百官俯伏興。亞獻終獻如常儀。送神行兩拜。宣文官捧文。進帛官捧帛。各詣燎位。內贊奏禮畢。

上還御華蓋殿。執事官行禮如常儀。樂作。

上至奉天殿中。立定。樂止。鴻臚寺官舉

勅案至殿中。

上親取勅授輔臣。輔臣立受。以

制詞授宣制官。

上陞座。鳴鞭行禮如常儀。鴻臚寺官奏禮畢。樂作。
上起。輔正捧。

勅由中道出。至。

奉天門發示。禮部捧出開讀如常儀。

一前期翰林院恭擬合用祭告文。太常寺備特
牲熟薦十二。籩豆玉帛及告。

景神殿脯醢酒果。

欽定捧冊表大臣二員。并。

諭文武官陪拜。國子監監生。順天府生員耆老人
等俱隨班行禮。在朝於。

午門外。在壇於

昭亨門外。序列

一先期四日。

上御奉天殿。太常寺奏齋戒如常儀。百官致齋三日。

一先期三日。太常寺光祿寺

面奏省牲如常儀。

一先期一日。鴻臚寺官設冊表案於

奉天殿正中。內侍官設冊表絲與於

丹陛上。設香案於冊表與前。教坊司設中和樂大

樂。錦衣衛設鹵簿大駕。木日。禮部率太常寺官

恭詣

園丘設冊表案於

神御位右設

上拜位於阼成正中司設監設

大次於

園丘神路之東陳設畢遣重臣上香奉請

神御位太常寺設輿於

奉神殿丹陛下奉

神位陞輿導引官二員前導陞

園丘奉安設

神祇十一壇紙位於內壇下。天神東西向。地祇北

向。俱設酒果脯醢不奠獻。其紙位并帛。執事官俟望燎。各捧分燎。天神壇東。地祇壇西。

一是日戌初刻鳴鐘鼓。百官依朝賀禮於

奉天殿丹墀序立。陪祀官具祭服。餘官朝服。

上告

景神殿畢。具冕服。御奉天殿。鴻臚寺卿奏請行禮。

上躬捧冊表。奉安綵輿內。錦衣衛官督舉輿。冊表輿

行。大樂鼓吹前導。

駕發。文武百官隨行至。

正陽門外。騎從。冊表輿至。

園丘壝門外。原遣大臣捧請冊表出與亭置於案。

上至

昭亨門外。降輦。導引官導

上御大次。鼓三嚴。鴻臚寺卿奏外辦。又奏中嚴。導引

官導

上至

園丘。典儀唱樂舞生就位。執事官各司其事。內贊奏

就位。

上就位。典儀唱迎

帝神。奏樂。內贊導

上至香案前。奏跪。奏搯圭。奏上香。

上三上香訖。奏復位。樂止。內贊奏四拜。傳贊百官同典儀

唱昇冊表。樂作。內贊奏陞壇。

上陞壇。樂暫止。奏跪。傳贊衆官皆跪奏搯圭。原遣大臣二員

一捧冊表進於

上右。

上受冊表獻訖。一接受於

上左。以付宣冊表官。奏出圭。奏宣冊表。太常寺卿跪

宣訖。原受冊表大臣復進於

上。

上親捧奠於帛篚。樂復作。奏俯伏興平身。傳贊百官同奏復位。典儀唱奠王帛。樂作。內贊奏詣

神御前。

上陞至

御前。奏搢圭。捧王帛。官以王帛跪進於

上右。

上受王帛。奠訖。奏出圭。奏復位。樂止。典儀唱進俎。樂作。齊郎舁饌至。內贊奏詣

神御前。

上陞至。

神御前。奏摺圭。奏進俎。奏出圭。奏復位。樂止。典儀唱

行初獻禮。樂作。內贊奏詣

神御前。

上陞至

神御前。奏摺圭。捧爵官以爵跪進於

上右。

上受爵。奏獻爵。

上獻訖。奏出圭。復位。樂止。典儀唱讀祝。樂作。內贊奏

詣讀祝位。奏跪。

上至讀祝位。跪。傳贊衆官皆跪樂暫止。內贊贊讀祝。讀祝官

跪讀訖。樂作。內贊奏俯伏興平身。傳贊百官同樂止。

亞獻終獻飲福受胙撤饌送

帝神俱如常儀送

神後典儀唱宣冊表官捧冊表進玉帛官捧玉帛讀

祝官捧祝掌祭官捧饌各恭詣

泰壇典儀唱望燎樂作。

上退拜位東。西向。內贊奏詣望燎位燎半。內贊奏禮

畢。樂止。導引官導

上至幕次易服還宮禮成。

詔示中外

一樂章

迎

帝神

中和之曲

於昔洪荒之初兮。混沌。五行未運兮。兩曜未明。
其中挺立兮。有無容聲。

神皇出御兮。始判濁清。立天立地立人兮。羣物生生。

昇冊表

元和之曲

帝闢陰陽兮。造化張。

神生七政兮。精華光。圓覆方載兮。兆物康。臣敢祇報
兮。拜薦。

帝曰皇

奠玉帛

休和之曲

帝垂聽兮義若親。子職庸昧兮無由申。冊表荷鑒兮

泰號式尊。敬陳玉帛兮燕賀

洪仁

進俎

豫和之曲

大筵弘開。懽聲如雷。

皇神賜享。臣衷消埃。大鼎炮烹。肴饗馨哉。

帝歆兮兆民之福。臣感

恩兮荷如幸哉

初獻

壽和之曲

大高降恩鑒。微情何以承。臣愚端拜捧瑤觥。堅壽無極并

奏祝

景和之曲

帝皇立命兮。肇三才。中分民物兮。惟天徧該。小臣請命。用光帝陪。庶永配於皇穹哉

亞獻

太和之曲

羣生總總兮。悉蒙始恩。人物盡囿兮。於

帝仁羣生荷

德兮誰識所從來於惟

皇兮億兆物之祖真

終獻

永和之曲

實宴弘玉几憑瓊液陞樂舞翻協氣凝民物初
臣哀蹇蹇兮報無能

撤饌

成和之曲

太奏既成微誠莫傾

皇德無京陶此羣生巨細懷併刻小臣之感哀兮罔
罄愚情實弘涵而容納兮曲賜生成

送

帝神

清和之曲

禮祇冊薦兮。

皇神垂享。萬舞畢舉兮。九成已行。

帝賜洪庥兮。大我家慶。金鳴玉振兮。聲鏜鏜。羣僚環

佩兮。響玎璫。神人交賀兮。贊

帝皇寶稱

恭號兮。曷有窮量。永固高厚兮。宰御乂常。微臣頓首

叩首兮。攸沐

恩光


奉燎 熙和之曲


瑶簡拜書号

泰號成奉揚


帝前号資離明。珍幣嘉肴号與祝誠。均登巨燭号達
玄清。九域四表号莫不昂瞳。庶類品彙号悉慶
洪名


園立總圖
今






圖五圖









園丘第一成陳設圖

登廟以備祀代蓋蓋蓬且以備雙代况

正位南面





香几



簋



俎






豆




簋



配位図





星
 福
 果



國
 華
 德
 福


星
 華
 德
 福

國
 華
 德
 福

園丘第二成陳設圖

從位身一壇西向










豆



從位西一壇東南







豆




豆



從位東二禮西向



禮
 和
 天
 地
 人
 神
 鬼



刺

香



篋




簾



豆



從位西二壇東向




香案






天



香案




神
案
香



月




皇穹宇圖




皇穹宇

正位神座圖




皇穹宇


配位神座圖




皇穹宇從位神座圖
東一壇




西一壇



東二壇



西二壇



大明會典卷之八十三